

89

**Sônn Ehouz****Ar Roue Gradlon ha Kear-Is**

Petra 'zo 'neve e kear-Is,  
Mar d-e kent drant ar yaouankis,  
Mar klevan-me ar biniou,  
Ar vombard hag ann telennou ?

N'eus e kear Is netra neve,  
Rak ar festou-m'ave bemde,  
N'eus e kear Is nemed traou koz,  
Rak ar festou-m'ave bemnoz.

Bojennou prez zo divoannet  
Et dor an ilizou serret,  
Ha, var ar beorien o voëla,  
E losker ar chas d'ho drailla.

D'ho c'hoezek vla, an oll verc'hed  
N'ho deus Doue, met ar pec'ched ;  
Ha, da ober he gurunen,  
E roont ho c'haëra rozen.

Ahès, merc'h ar Roue Gradlon,  
Tân an ifern en he c'halon,  
Er penn kenta deus an diroll,  
A drein d'he c'heul ar gear da goll.

Sant Gwenole, gant kalonad,  
Zo bet meur vec'h o kaoût he zad,  
Ha, gant daëlon, an den Done  
En deuz lavaret d'ar Roue :

« Gradlon, Gradlon laka eves  
« D'an dirzurzou a rên Ahès :  
« Rak tremenet vo an amzer,  
« Pa skuillo Doue he gole.  
« El lec'h ma voa c'boarzadek kent,  
« E vo neuze skringnadek dent,  
« El lec'h ma voa kanaouennou,  
« E vo klevet skrijadennou ! ... »

Hag ar Roue fur, spouronet,  
He verc'h en deus bet kelennet :  
Mes, diskaret dre ar gosni,  
N'eus mui an ners da stourm out-hi.

Ha, skuiz gant rebechou he zad,  
Evit mont d'eus he zaoulagad,  
Hi, deus gret, gant droug sperejou,  
Eur palès kaër tost d'ar sklujou.

Eno, gant be amourouchen,  
Ema fenos an abaden,  
Eno en aour hag er perles,  
Evel an heol, e par Ahès...

« Plijadur d'ec'h er palès-man,  
« Merc'hed chentil ha potred skan,  
« Plijadur d'ec'h ha nozvez grén, »  
Eme eur Princ, en eur antren.

Ar Princ a zoughté dillat ru,  
He varo a voa hir ha du,  
He oll izili a verve,  
Hag e zaoulagad a zeve.

Ra vio deut mad, estranjour,  
Eme Ahès, gant eur bek flour,  
Ia, ra viot deut ar gwëlla,  
Mar anaveit an traou falla.

Neuze em bo dighemer mad,  
A respontas an divroad :  
Rak me er fall zo kent disket  
Hag an hini, neus her c'hrouet.

Ha kerkent Abès d'her pedi  
Da ober eun dro zanz gant-hi,  
Hag an oll, a eneb Doue,  
Goassa ma c'hellent a doue.

Pa voa fin d'ar sacrilejou,  
Messager an droug sperejou,  
Chomet he-eunan er palès,  
A dostaas da gaoût Ahès :

« Va douçik koant, merc'h da C'hredlon,  
« Ha muia karet ya c'halon.  
« Ha n'alfen me ket e neb ghis  
Gwelet alc'houe sklujou kear Is ».

— « Va zad a zoug en he gherc'hen,  
« An alc'houe aoûr deus eur chaden,  
« Ha va zad brema zo kousket,  
« Ha kaout an alc'houe n'allan ket ».

Mes hen d'he zreib en em strinkas,  
Ha d'he dornik flour a bokas,  
Hag e chalmas dre he zellou  
Karghet a dàn hag a zaëlon.

Hep gout ar pez a dremene  
Neuze, eur penuad ac'hane,  
Eu he balès, ar Roue koz  
A voa kousket e kreiz ann noz.

Kampr paour Gradlon ne voa enn-hi,  
Netra nemet eur grucifi  
Deuet a zorn eur mignon ker,  
Sant Caourantin, Eskop Kemper.

Netra nemet eun Aviel.  
Roët c'hoas gant eün den santel,  
Roët d'ezhan gant Gwenole,  
Evel eur merk a garante.

Kaër en he gosni, 'vel eun Ael,  
E kouske Roue Breiz-Izel,  
Hag en dro d'he dall, he vleo gwen  
A ree, dispak, eur gurunen.

Neuze, Ahès, ar Brincès-fall,  
 Evel pa vije skoët dall,  
 En he gampr, heb aon rag Doue,  
 Ha deu da laërez an alc'houe.  
  
 Eun eur vale, var bek he zroad,  
 Ar verc'h a dosta skany d'he zad,  
 Ha goustadik, deus he gherc'hen,  
 E tenn, 'neur c'hoarzin, ar chaden.  
  
 Piou a deu du-hont gant ar ru,  
 Pignet va eun hinkane du,  
 Hag en d'an daou lamm var he ghein,  
 Ken a strink an tân deus ar vein ?  
  
 Hennes eo messager Doue,  
 Digasset an Is d'ar Roue,  
 Hennes eo abostol ar Feiz,  
 Sant Gwenole, karet e Breiz  
  
 Tostât a ra 'neur c'haloupat,  
 En he zorn deou he vaz Abad,  
 Hag eur stôl aour var he zaë venn,  
 Hag eur c'helc'h tan en drô d'he benn,  
  
 'Nem gavet e dôr ar palès  
 He pini e kousk tad Ahès,  
 Divar he varc'h, an den santed  
 A c'halv, en nos, a voëz huel :  
  
 « Gradlon, Gradlon, sao heb dale,  
 « Sao evit heuilla Gwenole,  
 « Sao evit tec'hét deus ar mor :  
 « Sklujou Kear Is a zo-digor ! »  
  
 Hag ar Roue, koz trubuilhet,  
 Er meaz he vele zo saillet :  
 « Din-me, din-me, va marc'h prima ! ...  
 « Siouas ! Peurgollet ar gear-ma ! ...  
  
 Ha gant glac'hар, e ber amzer,  
 E kerz da heul he vignon ker,  
 Ha var ho lerc'h, en eur iudal,  
 E klevont ar môr o ruillat.  
  
 Neuze ar Brincès dirollet,  
 E amourous gant-hi kollet,  
 Dre gear Is, a glei hag a zeo,  
 A rede, dispaket he bleo.  
  
 Mes pa gleo daou lamp ar c'hezek  
 Araog ar môr o tiredek,  
 Dre al luc'bed, gant nec'hament  
 E c'hanve he zad hag ar zant.  
  
 « Va zad, va zad, ma em c'harit,  
 « Var ho marc'h skany va c'hemerit :  
 Hag heb respont, an tad tener  
 A zav he verc'h var ann tailler.  
  
 Kerkent ar môr a vuanna,  
 Ha Gwenole, en eur grenna,  
 A gri : « Gradlon, tôl an diaoul-ze,  
 « Divar dailler da hikane ! ... »

Kouskoude c'hoas, leun a enkres,  
 An tad a zalc'h ar bec'heres :  
 Mes ar sant a ra sin ar groaz,  
 A deu hag a sko gant he vaz.  
  
 Kerkent mestres an droug speret  
 A ruill er môr bras fuloret,  
 Hag e kleo tôt ar Roue koz  
 Eur c'hoarzin skiltr e kreiz an noz.  
  
 Mes, rentet skanyoc'h, heb dale,  
 E sail prim da c'heul Gwenole,  
 Hag he varc'h, gleb he beder e'harr,  
 A lamp deur ar môr d'an douar.  
  
 Da zao-heol, ar Sant ha Gradlon  
 A bigne var lein Mene-Hôm,  
  
 Pini, he dreid ebarz en trez,  
 A zaoauz Douarnenez.  
  
 Ac'hane, Roue Breiz-Izel  
 Var he lerc'h a dolas eur zel ;  
 Mes, e lec'h Is, gant he dek dor,  
 Ne velas mui nemet ar môr.  
  
 « Eur ghear em boa deus ar gaëra,  
 « Ha chetu hi et da netra ! ... »  
 Hag he galon oll a fraillas,  
 Hag he zaoulagad a voelas.  
  
 « D'an daoulin, eme Gwenole,  
 « Gradlon, d'an daoulin ganem-me. »  
 Ha Gradlon, dindan he c'hlac'hар,  
 A goë dan daoulin d'an douar.  
  
 Hag eno, dispak hé vleo guen'h,  
 Hag he dall pleghet er boultron,  
 E lavare c'hoas ar Roue :  
 « Ra vo gret bolonte Doue ! ... »  
  
 Pa zavas divar he zaoulin,  
 Didau tân flam heol ar mitin,  
 E velas, a dreuz he zaëlou,  
 O luglierni Ru-men-goulou.  
  
 Var men-ze, hon tadou koz  
 A skuille goad d'eun Doue fos,  
 Hag ar Roue, e ber amzer,  
 A lavaras d'he vignon ker :  
  
 « Du-hont, e memor a ghear Is,  
 « Me a rai sevel eun-Ilis,  
 « Hag evit testeni d'an oll  
 « M'he galvo His Remengol  
  
 « Pa vo an doueou maro,  
 « Ha koëzet meur a goat dero,  
 « Eun de, deus pevar avel,  
 « E teuio d'y, pobl Breiz-Izel.